

შპს „საქართველოს აეროპორტების გაერთიანება“  
საკონკურსო კომისიის სხდომის ოქმი №3

ქ. თბილისი

23 მარტი 2015 წ.

შპს „საქართველოს აეროპორტების გაერთიანების“ საკონკურსო კომისიამ ჩაატარა სხდომა, რომელსაც ესწრებოდნენ:

კომისიის თავმჯდომარე:  
ქეთევან ალექსიძე

კომისიის წევრები:  
გიორგი მოლოდინაშვილი  
ივანე პეტრიაშვილი  
რევაზ თავაძე  
ლანა ოთიაშვილი  
ივანე ლეკიშვილი  
ვასილ კუნჭულია

აპარატის წევრები:  
ემელიანა უზნაძე  
ქეთინო კემულარია

დღის წესრიგი:

შპს „საქართველოს აეროპორტების გაერთიანების“ მიერ საპროექტო მომსახურების შესყიდვის მიზნით 2015 წლის 9 მარტს გამოცხადებულ კონკურსში №1514 წარმოდგენილი ტექნიკური წინადადებების (დალუქული კონვერტები) გახსნა და მონაწილეთა კონკურსში დაშვება.

2015 წლის 23 მარტს 11:00 საათზე გაიმართა საკონკურსო კომისიის სხდომა.

მოისმინეს:

კომისიის წევრის ემელიანა უზნაძის ინფორმაცია იმის თაობაზე, რომ საპროექტო მომსახურების შესყიდვის მიზნით 2014 წლის 09 მარტს გამოცხადებული საკონკურსო დოკუმენტაციის მიხედვით, წინადადებების მიღება დაიწყო 2015 წლის 19 მარტის დილის 10:00 საათზე და დასრულდა 2015 წლის 20 მარტის საღამოს 18:00 საათზე.

შპს „საქართველოს აეროპორტების გაერთიანებაში“ 2015 წლის 20 მარტს 17:05 საათზე წარმოდგენილია მხოლოდ ერთი კონკურსანტის, კერძოდ, შპს „გეომეფის“ მიერ დალუქული კონვერტი, რომელსაც თან ერთვის საფასურის გადახდის დამადასტურებელი დოკუმენტი.

განიხილეს:

1. კომისიის წევრმა ივანე პეტრიაშვილმა გახსნა დალუქული კონვერტი, სადაც წარმოდგენილია შემდეგი დოკუმენტები:
  - კონკურსანტის რეკვიზიტები;
  - ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან;
  - საკონკურსო წინადადების ფასი დღგ-ს გარეშე (შესყიდვის ობიექტის ღირებულება) ფასების ცხრილის სახით;

- ინფორმაციას საპროექტო მომსახურების გაწევის პროცესში ჩართული პირების კვალიფიკაციის და გამოცდილების შესახებ (CV-ის სახით).
- ინფორმაცია გამოცდილების შესახებ საკონკურსო დოკუმენტაციაში მითითებული ცხრილის სახით, რომელსაც ერთვოდა ხელშეკრულებები და მიღება-ჩაბარების აქტები;
- ინფორმაცია მიწოდების ვადის შესახებ, ანუ რა დრო დასჭირდება კონკურსანტს სრული მომსახურების - დასრულებული საპროექტო დოკუმენტაციის მიწოდებისთვის;
- გასაწევი მომსახურების სრული ტექნიკური აღწერა შემდეგი ტექნიკური დოკუმენტაციის სახით:
  - არქიტექტურული კონცეფცია - ესკიზური პროექტი ავტორისეული ხედვით - ერთი ეგზემპლარი ნაბეჭდი მასალა A3 ფორმატში და ერთი ეგზემპლარი ელექტრონული ვერსია (PDF ფაილით);
  - დეტალური განმარტებითი ბარათი სამომავლო პროექტის დაწვრილებითი დახასიათებით;
  - სამშენებლო სამუშაოებისათვის ძირითადი გამოსაყენებელი მასალის სპეციფიკაციები;
  - სამომავლო პროექტის შესაბამისად შესასრულებელი სამშენებლო სამუშაოების ჯამური ღირებულება (გამსხვილებული ხარჯთაღრიცხვის სახით);

საკონკურსო წინადადების ღირებულება წარმოდგენილია 24 675 (ოცდაოთხი ათას ექვსას სამოცდათხუთმეტი) ლარზე დღგ-ს გარეშე.

წარმოდგენილი დოკუმენტაციის მიხედვით კონკურსანტი დაშვებულ იქნა კონკურსში მონაწილეობის მისაღებად.

2. კომისიის სხდომის მიმდინარეობისას სსიპ სამოქალაქო ავიაციის სააგენტოდან მიღებულ იქნა წერილი (2015 წლის 23 მარტის N01/382) თანდართული დოკუმენტებით, რომელიც წარმოადგენდა კონკურსში მონაწილეობის მსურველი კიდევ ერთი კომპანიის, კერძოდ შპს „Live Design“-ის ტექნიკურ დოკუმენტაციას. როგორც სააგენტოს წერილიდან გაირკვა, მიმდინარე წლის 20 მარტს დაახლოებით 17 საათსა და 40 წუთზე, სამოქალაქო ავიაციის სააგენტოს კანცელარიაში შეცდომით შევიდა შპს „Live Design“-ის აღნიშნული წერილი, რომლის ადრესატიც სინამდვილეში იყო შპს „საქართველოს აეროპორტების გაერთიანება“. ეს კორესპონდენცია, სააგენტოს კანცელარიის სპეციალისტის მიერ, შეცდომით იქნა აღქმული, როგორც სააგენტოს კუთვნილი და ამიტომ მის მიერ მოხდა კონვერტის გახსნა და მასში არსებული დოკუმენტების გატარება სააგენტოს კანცელარიაში. მოგვიანებით, სააგენტოს კანცელარიამ შენიშნა შეცდომა და დოკუმენტები გამოუგზავნა შპს „საქართველოს აეროპორტების გაერთიანების“ საკონკურსო კომისიას ზემოხსენებული (2015 წლის 23 მარტის N01/382) წერილით.

კომისიამ იმსჯელა შპს „Live Design“-ის დოკუმენტების კონკურსში დასაშვებობის საკითხზე და დაადგინა შემდეგი:

- პირველ რიგში, შპს „Live Design“-ის წინადადება დროულად არ იქნა წარმოდგენილი საკონკურსო კომისიაში;
- იმ შემთხვევაშიც კი, თუ წინადადება დროულად იქნებოდა წარმოდგენილი, დოკუმენტებში არის შემდეგი არსებითი ნაკლოვანებები:
  - კომპანიას არ აქვს წარმოდგენილი დეტალური განმარტებითი ბარათი. ერთგვერდიან ბარათში მხოლოდ არის მითითება, რომ მათ მიერ მცირედი ცვლილებებით გამოყენებული იქნება არსებული საძირკვლები, რაც საკონკურსო დოკუმენტაციაშიც ეწერა თვითონ შემსყიდველს, რომ ასე უნდა მოხდეს;

- კომპანიას არ აქვს წარმოდგენილი გამსხვილებული ხარჯთაღრიცხვა (მხოლოდ მშენებლობის საერთო ფასია წარმოდგენილი);
- კომპანიას არ აქვს წარმოდგენილი სამშენებლო სამუშაოებისათვის ძირითადი გამოსაყენებელი მასალის სპეციფიკაციები;
- და ბოლოს, წინადადება არ შეიცავს ინფორმაციას კონკურსში მონაწილეობის მსურველი კომპანიის გამოცდილების შესახებ, რაც მოთხოვნილი იყო საკონკურსო დოკუმენტაციით. მეტიც - წარმოდგენილი ამონაწერით სამეწარმეო რეესტრიდან ირკვევა, რომ კომპანია „Live Design“ რეგისტრირებულია 2012 წელს, შესაბამისად, მას ფიზიკურად ვერ ექნება 5 წლის განმავლობაში გამოცდილება, რაც საკონკურსო დოკუმენტაციით იყო მოთხოვნილი;

გამომდინარე ყოველივე ზემოაღნიშნულიდან, შპს „Live Design“-ის წინადადება არ იქნა დაშვებული განსახილველად.

### 3. გადაწყვეტილება:

კომისიის წევრების მიერ შესწავლილ და შეფასებულ იქნეს შპს „გეომეფის“ მიერ წარმოდგენილი ტექნიკური დოკუმენტაცია. დოკუმენტაცია გადაეცა საკონკურსო კომისიის თავმჯდომარესა და წევრებს შემდგომი დაწვრილებითი შესწავლისა და შეფასების მიზნით.

დაევალოს კომისიის აპარატს უზრუნველყოს საკონკურსო კომისიის სხდომის ოქმის ელექტრონული ფოსტის საშუალებით გადაგზავნა სახელმწიფო შესყიდვების სააგენტოში გამოქვეყნების მიზნით.

საკონკურსო კომისიის თავმჯდომარე:  
ქეთევან ალექსიძე

საკონკურსო კომისიის წევრები:  
გიორგი მოლოდინაშვილი

ივანე პეტრიაშვილი

რევაზ თავაძე

ლანა ოთიაშვილი

ივანე ლეკვიშვილი

ვასილ კუნჭულია

ოქმი გააფორმა:  
ემელიანა უზნაძემ